




ESK. 38


V. RARE,

CHILD'S CATECHISM
NOT IN BILLINGS' ESKIMO

LABRADOR.

Gudib
perkojangit tellimaujortut.

Ajochertûtsit
pijarialiksuit tellimat.



Bautzen,
gedruckt bei E. M. Monse,
1865.

*Ajochertütsit,
pijarialiksuit sivorlingit.*

Gudib perkojanginnik heiligenik telli-
maujortunnik.

Perkojak 1 kannok illingava?

Uvanga Nalegauvunga Gudit, sennipkut as-
simnik Gudekartuksaungilatit.

Kannok tukkelik?

Assinginnit tamainit Gude sivuragijáksariner-
sarivavut, naglignersarilugolo, tettituarilugolo.

Perkojab 2 inga kannok illingava?

Innungoarmik adsingoarmiglonēt sennajuk-
saungilatit pivlutit, takpāne killangmētub adsin-
ganiglonēt, killaub attānētub nuname, adsinga-
niglonēt. Taimaitut tuksiarvigijáksaringilettit,
kivgartornagillo. Uvanga Nalegaujunga Gudit,
illungertudlarlunga Gudeogama, pitlarnikteō-
junga atātet uvamnik omisuktut idluitulliningin-
nik kittornganginne ernerēt kingorlingita pinga-
jungit sittāmangillonēt tikkilugit. Uvamnigle
opigosuklut, perkojamniglo naletsiartut, napki-
givakka ernerēt kingorlingit, tausendeokattartut
tikkilugit.

Kannok tukkelik?

Gude sivuragijáksarivavut nagligilugolo Gudingoarmiksennakonnata, sumiglonēt Gudib okausingita perkojangita assinginnik opigosuktuksaungilagut. Gude annerneongmet, tuksiartingitalo annernerme miksekärnermelo tuksiarvigijáksarivāt.

Perkojæk 3 ingat kannok illingava?

Nalekab Gudivit attinganik attornerluktuk-saungilatit, Nalekab pitlartailiniængimago attinganik attornerluktok.

Kannok tukkelik?

Gude sivuragijáksarivavut nagligilugolo, tap-soma attinga attorlugo okauselukonnata ëlisëniarkonnatolo, sæglokitsikonnatalo, terliarsikonnatalo; Gudemut kappianartolingne tamaine nipliajuksauvogut, tuksiarvigilugolo, nertorlugolo kujagilugo pijuksauvogut.

Perkojet 4 inget kannok illingava?

Sabbatib uvlunga erkaruk, ivlerijaukovlugo illingnut. Uvlut 6 it kingorlerëklutik sennajuksauvotit, sullijæksettillo tamaita pinniarlugit. Uvlulle 7 ingane Nalekab Gudivit Sabbatinga nelliutivok. Tagva suniglonēt sennajuksaungilatit, ernñtлонēt, pannñllonēt, kivgellonēt angut, kivgellonēt arnak, nergjutekottitillonēt, illagingitellonēt najugarnētok. Uvlunne 6 inne Nalekab killak, nunnalo, immarbiglo, illunaitalo immab illuanētut, sennalaungmagit, uvlullo 7 ingane merngoërserlaukpok. Tamanna pivlugo Nale-

kab Sabbatib uvlunga saimarneliotipa, ivsor-naitilälo.

Kannok tukkelik?

Gude sivuragijáksarivavut nagligilugolo, Sab-bate Nalekab uvlungatut ivleritsiarlugo, okalung-nerlo Gudiblo okausingit kammaginginagit, tamakkoale ivlerilugit, opigosumullo tussaromad-larlugit illiniarlugillo pijuksauvogut.

Perkojet 5 inget kannok illingava?

Atāngnik anānangniglo nalektuksauvotit, ak-kunērtomik innuniarkovlutit nunamē Nalekab Gu-divit tunnilauktanganē illingnut.

Kannok tukkelik?

Gude sivuragijáksarivut nagligolugolo, atā-taptingnik, anānaptिंगniglo, angajokaptingniglo nachokonnata ningartinagillonēt, opigilugille, kiv-gartorlugillo, nagligilugillo pijuksauvogut.

Perkojet 6 inget kannok illingava?

Innuartuksaungilatit.

Kannok tukkelik?

Gude sivuragijáksarivavut nagligilugolo, in-nukattivut idluiliorvigitsennago timingane, āner-nagolonēt; ikkajorlugole, serngnigilugolo timin-gáta illinganingita okumainarninginne tamaine, pijuksauvogut.

Perkojet 7 inget kannok illingava?

Nulliarēngnermik asseroijuksaungilatit.

Kannok tukkelik?

Gude sivuragijáksarivavut nagligilugolo, uvingub ikliguningit, illinganingillo innovigina-

git, okautsinnut, pinniarnernullonēt; nulliarēkle ingmikorlutik nagliktigēktuksauvuk, opigijigēklutiglo.

Perkojet 8 inget kannok illingava?

Tigliktuksaungilatit.

Kannok tukkelik?

Gude sivuragijáksarivavut nagligilugolo, innukattipta pinginnik perkutinginniglonēt tiglikonnata, niorgutiksennullonēt tauktiksennullonēt piungitunnut nangminerijomavlugit uiverilūgo pikonnata, tāmnaale ikkajorlugo perkutingit nerkiksangillo ākiksorlugit sapputilugo pijuksauvogut.

Perkojet 9 inget kannok illingava?

Innukattivit sæglotigilugit okartuksaungilatit.

Kannok tukkelik?

Gude sivuragijáksarivavut nagligilugolo innukattivut nellangaitomik sæglokitsennago, uivēritsenagolo, idluiluktomiglo terliatsennago; perkøjauvogulle passitiksērutilugo, ajungitomiglo okautigilugo, illinganingillo tamaita ākigasuarlugit idluarnerpāngojomut.

Perkojet 10 inget kannok illingava?

Innukattivit iglunganik pijomajuksaungilatit. Innukativit nullianganik, kivganganiglo angumik, kivganganiglo arnamik, tuktuvākotinganiglo siutekōktōjokotinganiglo, sunatuinarniglonēt innukattivit perkutinginnik pijomajuksaungilatit.

Kannok tukkelik?

Gude sivuragijáksarivavut nagligolugolo, in-

nukattipta kingormgutijáksangit iglungalonēt pingitserternermut, idluarasuginermullonēt, okautsinermut nangminerijomavlugit pinnasuarkonnata. Innukattipta nullianganik, kivganganiglonēt, nergjutekotinginniglonēt pejaikonnata, arkaikonnatalo, aularkojikonnatalo; perkojauvogulle tapkoa kaiblarlugit aularkonnagit, pinniarkovlugillo perkojaunermingnik.

Perkojet tamakko tamaita pitjutigællugit kannok tagva Gude okarka?

Imāk okarpok: Uvanga Nalegauvunga Gudit, pitsartudlarlunga illungertudlarlungalo Gudeovunga, uvamnik omisuktut pivlugit, tapkoa atātangita idluitulliningit pitlarpakka, ernerēt kingorlingita pingajungit, sittamangillo tikkilugit; uvamnigle opigosuktut, perkojamniglo naletsirtut ajungitullivigivakka, ernerēt kingorlingit tausendit likkilugit.

Kannok tukkelik?

Gude sillukpok perkojennik tamakkoninga tappatōjut illunaita sugiarlugit, taimaimát tapsoma ningausinga sivuragijáksarivavut, perkojello tamakkoa tappaginagit. Gudible saimanermik, ajungitunniglo tamainik, tapsoma perkojanginnik naletsirtut illunaita angervigivait. Taimaimát tamna nagligijáksarivavut tettigilugolo, perkojangillo mallitsiaromadlarlugit.

Ahāk Israele, Nalegak Gudivut Gudetōvok. Gudingnik Nalegarnik nagliktuksanvotit omattingnut tamānut, tärningnullo tamānut, issumangnullo tamainut. Tamna pijariakarnerōjok perkojennit tamainit. Mark. 12, 29, 30.

Aipanga tapsotunak ipok: Innukattingnik illiktut nagliktuksauvotit. Assianik anginerõ-jomik perkojakangilak ukkungnangát. Perkojanguk ukkungnunga maggungnut perkojet illunatik illagëkput, nellautaijullo aglangit. Matth. 22, 39. 40.

Jesuse okartok: Perkojaktāmik tunnitsivigivapse, nagliktigëkovluse, sorlo nagligilaurapse, nagliktigëlervovluse. Tamattomunga illunatik illitarksiniarput illiniartigigapse, nagliktigëkupse. Joh. 13, 34. 35.

Gudib perkojanga tamadsa, erningáta Jesusib Kristusib attinganut okperkovluta, nagliktigëkovlutalo. 1. Joh. 3, 23.

Okpertok baptitaujorlo piulijaujomäpok, okpingitorle erkartortaujomärpok. Mark. 16, 16.

Ajochertútsit,

pijarialiksuit aipangit.

Okpernerub kiglgiudsininganik.

Kiglgiudsinek sivorlek sumik okautsiva?

Pingortitsinermik.

Kannok piva?

Okperpunga Gudemut Atätamut ajugakangitomot pingortitsijomut killangmik nunamiglo.

Kannok tukkelik?

Okperpunga Gudib pingortimanga, omajullo tamaita. Timimniglo tarnimniglo ijimniglo, siutimniglo, avatimniglo tamainik, issumamniglo

lapsoma tunnitsivigilaungmanga sapputilugillo sulle tamakkoa. Taimaktauk annoraksamniglo, nerkiksamniglo, immiksamniglo, innuniarviksamniglo, nulliamniglo, kittorngamniglo piksamniglo tamainik timimnut inosimnullo namaktomik attoriakartamnik uvlut tamaita piksarsiorpanga, nangiarnartunnillo tamainit sapputivanga, idluitunnillo tamainit udsertorlunga pairivanga. Taimak Atātauvlune Gudeovlunelo ajunginermut napkigosungnerminullo tamakkoninga tamainik pivanga, nellopkotinermit pijaksautinnangalo. Pivlugit tagva kujagidlarlugo, nakorilugolo, kivgartorlugolo, naleklugolo pijuksauvunga. Ahamarik miksekārpok tagva.

Kigliudsiniub aipanga sunnik okautsiva?

Piulijaunermik.

Kannok piva?

Okperpunga Jesuse Kristusemut. Gudib er-netuanganut Nalegaptinngnut, Annernermit ajunginermut pijomut, uigasungmit Mariamit erniangojomut. Pontius Pilatuse attanniotillugo āniatiaujok, senningajolingmut kikkiektortaujok, tokkovlunelo illijartortaujok. Anernermigut ajoher-tuijartortok annernernik parngnanērsimavingmetunnik. Uvluk pingajuangne tokkungajunnit makkitok. Killalliarlunelo. Gudib Atātab ajugakangitub tallerplane iksivajok. Tagvangāt tikkitsomārivok innojullo tokkungajullo erkartoriartorlugit.

Kannok tukkelik?

Okperpunga, Jesuse Kristuse miksekārtovlune Gudeojok, Atātamit erniangomajok issokangito-

mit, miksekärtomiktauk innujok, uigasungmit Marriamit erniangovlhne. Nalegarigapko, uvannik assiojuksaujunga pitlaráksaularmalo innujunga piuliklertok ajortunnit tamainit, tokkomillo, Sathanasiblo pitsartuninganit. Goldemut Silberemulonet pinane, aungminulle ajungitomut arlingnartomut, āniaminullo passijaksaungitomut tokkominullo, perkutigijomagaminga, nalegavinganelo naleklugo innoniarkovlunga, kivgartorlugolo idluarnerme passijæksaunginermelo pilloringnermelo naksaungitome, sorlo tokkungajunnit makkimát, innövlunelo Nalegaungmát issokarniængitomut. Ahamarik tamana miksekärtövok.

Kigligiudsinik pingajuot sumik okautsiva?

Jvsornailinermik.

Kannok piya?

Okperpunga Anernermut ajunginermut, okpertuniglo illagektokartunnik ivsornaitisimajunnik; ajortunnit issumagijaujungnainermik; timillo makkitsomärninganik, innötsemiglo issokarniængitomik.

Kannok tukkelik?

Okperpunga, issumamniglonet pitsartunimnullonet Jesuse Kristusemut Nalekamnut okperlunga tikkilugolonet ajoeksarama. Annerneruble ajunginerub kaikovanga okautsinnut tussarertunnut, tunnergutiminullo kaumaksarpānga, okpernerme miksekärtome ivsornaitilungalo sokkosijuertilungalo pivanga; sorlo okpertutillunaita sillaksoarmetut kaikogingmagit, kattitilugillo, kaumaksarlugillo, ivsornaitilugillo Jesuse Kri-

stususemētsainartimagit okpernerme miksekar-
tome. Illagēnerme tagvane ajornikka. okpertullo
illunatik ajorningit uvlut tamaita namaktonik
issumagijungnaipait. Uvlullo naggatāne uvangalo
tokkungajullo illunaita tuppaktitsomarpātigut, Kri-
stusemēlo inōtsemik issokangitonik okpertut illu-
naita illagēllugit tunitsivigijomārpānga. Ahama-
rik tamana miksekārtōvok.

Jesuse Kristuse nunamut tikkipok ajortuggit
piulijomavlugit.

Tamanna miksekartoksōvok okausiolarmelo
akkitudlartomik ivlernartoksoarmiglo, Kristuse
Jesuse nunamut tikkimet ajortuggit piulijartor-
lugit. 1. Tim. 1, 15.

Innub Erninget tamarsimajut kenneriariartor-
lugillo pilloriktitsartorpait. Luc. 19, 10.

Mattomunga Gudib næglingninga uvaptingnut
sakkersimavok, Gudib Ernetuane tillilaungmago
nunamut, uvagut tapsomūna innōkovluta. 1.
Joh. 4, 9.

Sagialeritse uvamnūt, tagva piulijaujomār-
pose, sillaksoarmiojose tamapse: uvanga Gude-
ogama, assimniglo Gudekangimāt. Jes. 45. 22.

Kristuse attausiardhūne aniatitaujok ajornivut
pivlugit. idluartok idluitut pivlugit. pititsomav-
luta Gudemut. 1. Petri 3, 18.

Tanna Kristuse idluitullilaungilak, niverik-
lernermiglo kanningane naipitaulaungilak. Tap-
soma nangminok ajornivut timiminut pitipait ke-
jungme, 1. Petri 2, 22. 24.

Gude attausiõvok, attauseõgivok pijitsertok
Gudemut innungnullo, tagva innuk Kristuse Je-
suse, ingminik tunnilauktok piulijiksaujomavlune
illunainut. 1. Tim. 2, 5. 6.

Gudib ungasingilätigut tamapta, tapsomane
innõgapta aulavlutalo ipogut. Ap. p. 17, 27. 28.

Tamaita piniarnisse, okarangapselonet pinni-
arangapselonet, illunaita pinniarsigik Nelekab
Jesusib attingane, kujaliluselo Gudemik Atätamik
tapsomūna. Kol. 3, 17.

Jesusib attingane sêrkut illunatik serkortor-
tuksauvut nalengnermut killangmētullo nunamē-
tullo, nunab attänētullo, okello illunatik nellonai-
jaijuksauvut Jesuse Kristusemik Nalegaujomik,
Gudib Atätab nertornautānut. Filip. 2, 10. 11.

Ajochertütsit

pijarialiksuit pingajuet.

Tuksiarutsit Atätamut killangmē-
tomut, ubvalo Nalekab tuksiarninga.

Nālegak Gūd Atätavut killangmē! Attit ner-
tortaule. Nālegaunūt kailaule. Pijomajat pini-
artaule, nuname sorlo killangme. Uvlome pik-
saptingnik tunnitsivigitigut. Idluinivut issumagi-
jungnäerkit, sorlo uvagut idluitullivigijivut issu-
magijungnäervigigaptigik. Oktortaulungnermut
pitinata. Piulitigulle ajortomit. Nālegaunek,
pitsartünerlo ānanaunerlo pigigangne issokangi-
tomut. Amen.

Tuksiarutsit tapkoa pigiarningát kannok piva?

Nalegak Gūd Atatavut killangme.

Kannok tukkelik?

Gūdib tamattomunga kajungertitsomavátigut okperkovluta, tamna nellagörtomik Atātagigap-tigo, tapsomalo nellagörtomik kittorngaringmattigut, sivurajuiluta kettekarylutalo kollārnangitomik tuksiarkovluta tapsomunga, sorlo sorrutsit naglingnartut atātatik nagliktatik tuksiarvigingmatsuk.

Tuksiarutsit sivurlingát kannok illingava?

Attit nertortaule.

Kannok tukkelik?

Gūdib attinga ingminik nertornaralloarpok, tuksiarutsimulle omunga tuksiarpogut, tamna uvaplingnētauk nertortaukovlugo.

Kannok tamana piva?

Nanelonēt Gudib okausinginnik nellagörtomik tammarnangitomiglo ajochertuiviksakartonē, uvagullotauk Gūdib kittorngangititut malliklugit innōgupta; taimailiorkovluta Atātab killangmetub ikkajorlittigut! Tamakkoale assinginnik ajochertuijok, innogutiksakartorlo, Gudib okausingita ajochertusingit kamaginagit, taimaitub Gudib attinga nertornarungnaitipa uvaplingne, taimaitomille nagliktipta Atāapta killangmetub sapputi-littigut!

Tuksiarutsib aipanga kannok illingava?

Nalegaunīt kailaule.

Kannok tukkelik?

Gūḍib nalegauvinga kaigalloarpok ingminik, tuksiangukuptalonēt, tuksiarutsimulle omunga tuksiarpogut kaikovlugotauk uvaptingnut.

Kannok tamanna piva?

Atātab killangmētub Annernerminik heilige-
ojomik tunnitsivigikpattigut, okausinginik heilige-
nik saimarsautanut okperkovluta, innōsekarlutalo
Gudeojartomik, māne nuname takpānelo isso-
kangitome.

Tuksiarutsik pingajuak kannok illingava?

Pijomajat pinniartaule nuname sorlo killangme.

Kannok tukkelik?

Gūḍib pijomajanga ajungitok saimanartolik-
soarlo pigalloarpok tuksiangukuptalonet, tuksi-
arutsimulle omunga tuksiarpogut. tapsoma pijo-
majanga uvaptingnetauk pinniartaukovlugo.

Kannok tamanna piva?

Gūḍib kajusimanerit pijomanerillo idluitut
tamaita pējarpagit agviarlugillo, Gūḍib attinganik
ivlersilungitut, nalegauvinganiglo kaikoijjoman-
gitut uvaptingnut, imaitulle: Satanasib, okpingi-
tullo uviniptalo pijomajangit. Gūḍible pitsartu-
tipattigut aulaijungnangertilutalo okauserminik,
okperniptlingniglo innosipta nāninga tikkilugo;
taimagle Gūḍib pijomajanga saimanartolikoak
ajungitorlo illingavok.

Tuksiarutsit sittamangāt kannok illingava?

Uvlome piksaptingnik tunnitsivigittigut.

Kannok tukkelik?

Gudib innuit idluituttauk nerritigalloarpait uvlut tamaita tuksiangukuptalonet; tuksiarutsimulle omunga tuksiarpogut tamattominga kaujititsikovlugo uvaptingnik, uvlut tamaitalo kujalinermut tiguserkovluta nerkiksaptingnik.

Nerkiksavut piksavullonet uvlut tamaita kannok tukkekartitáksarivittigik?

Tamaita timib nerrititauninganut ajoksarininganullo illingajut, imaitunnik: Nerrinermik, immernermiglo, annorangniglo, kamingniglo, iglomiglo, pinnasuarviksamiglo, perorsévingmiglo, nergjutinniglo, akkiksenniglo, perkutiniglo, aiparmiglo okpertomik, kittorngenniglo okpertunnik, kivgenniglo okpertunnik, angajokajenniglo okpertunnik nertornartunniglo, aulatsijomiglo idluartomik, sillakidlarnernmiglo, ullapirsaumiglo, kannoëngitsiarnernmiglo, nalekojjomiglo, opigijaunartomiglo, illanakartunniglo idluartunnik, sillalekartuniglo nertornartunnik, tamakkoalo assinginnik tukkekarput.

Tuksiarutsit tellimangát kannok illingava?

Idluinivut issumagijungnaerkit, sorlo uvagut idluitullivigijivut issumagijungnaervigigaptigik.

Kannok tukkelik?

Tuksiarutsimut omunga tuksiarpogut Atalamut killangmetomut, ajornivut issumagijaukonagit, tamakkoalo pitjutigallugit tuksiarusek tamanna kippiluktaukonago, mikkijomiglonet napkigijáksaunginapta tuksiarnivut pivlugil, ajungi-

tomiktauk pinatsenginapta; tapsomale näpkigo-
sungnerminut tamainik tunnitsivigilitigut! Uvlut
tamaita unnuktunnik idluitulligapta, pillaráksaut-
sainaraptalo, tagva omamut tamanut idluitulli-
jut uvaptingnut issumagijungnäervigijomavavut,
ajungitullivigijomalugillo.

Tuksiarutsit pingasejoet kannok illingava?
Ôktortaulungnermut pitinata.

Kannok tukkelik?

Gude oktorlungigalloarpok kinamiglonët, tuk-
siarutsimulle omunga tuksiarpogut, Gudemut
sapputijaukovluta serngnigijaukovlutalo, Sata-
nasekut okpingitunnullo, uvintpingnullo, terli-
artaukonata, uiverijaukonatalo, okpinginermut,
këvinermullo assinginnullo makkojungnartoã-
lungnut idluitoalungnullo illingakonnata. Tamak-
konungalo tikkitaugalloarupta salagijaukonnata,
sälakärtotitulle illingakovluta.

Tuksiarutsit 7 ingát kannok illingava?
Piulitigulle ajortomit.

Kannok tukkelik?

Tuksiarutsimut omunga tuksiarpogut, sorlo
tuksiarutsit tamaita kattilugit, Atätamut killang-
metomut idluitunnit sunatuinarnit timemut tarne-
mullo illingajunnit tamainit piulijaukovluta, kin-
gorlerpamiglo tokkoviksavut tikkilerpet, angerar-
viksamik pilloringnartomik illangiutititaukovluta,
napkijauvlutalo kiksarnartovingmit tamattomangát
tapsomunga illälliortaukovluta killangme. Amen.

Tuksiarutsit tamakkoa sorairutiksangát kannok illingava?

Nalegaunek, pitsartunerlo, ananaunerlo pigigangne issokangilomut. Amen.

Amen, kannok tukkelik?

Kollärtuksaunginama tuksiarutsit taimaitut. Atatab kilangmetub idluaringmagit tussarlaitalo, tapsoma nangminek taimak tuksiarkolaungmattigut, angervigingmattigullo tussaromavluta. Amen, Amen, imäk tukkelik: Ahaila, ahaila, taimak illingälärpok illa.

Illumnetsaīnarupse, okautsikkalo illupsingnet-sainarpetta, tuksiarniarpose, pijomajapsingnik, tunitsiviolarlapselo. Tamakkutigūna Atataga nertortauniarpok paungakarnialerupse unnuktunik illiniarteolerluselo uvamnut. Sorlo Atātama nagligingmanga, taimaktauk nagligivapse. Naglingnimnetsainaritse. Perkojakka mallikupsigik naglingnimnetsainarniarpose. Joh. 15, 7—10.

Atatamut aigama: Sumik tuksiarniarupse attinne, tamattominga piniaromavunga, Atāta nertortaukovlugo Ernermigut. Joh. 14. 12. 13. 14.

Perkojamnik pilik, malliklugillo, tamnavok nagliktok uvamnik. Uvamnigle nagliktok, tamna nagligijaunniarpok Atātamnut, uvangalo nagliniarpapa, nellojungnaitilugolo uvamnik. Joh. 14, 21.

Jesuse okarpok: Uvamnut okpertok, uvamnuinak okpingilak, tapsomungale tilliklertomut uvamnik. Uvamniglo tautuktub, tamna tautukpa

tilliklertok uvamnik. Kaumajovlunga sillaksoarmut tamattomunga tikkipunga, uvamnut okper-tok taktomē-erkonago. Joh. 12, 44—46.

Jesusib Kristusib Gudib Erningata aungata ubvarpätigut ajortunnait tamainit. 1. Joh. 1, 7.

Assianik piulijiksakangilak, attekangilarlo assianik killaub attäne innungnut tunnijaujomik tapsomunga pilloriktitaikovluta. Jesusib atting-anik kissianik. Ap. pin. 4, 12.

Tamanna pivlugo Kristuse lökkovlunelo mak-kinivok, amalo omardlune nalegaujomaylune tok-kungajunnut innöjunnullo. Rom. 14, 9.

Ajochertälsit

pijarialiksuit sittamangät.

Baptijumik heiligemik.

Baptijut sunauva?

Baptijut imetuinaulungilak kissiane, imiovorle Gudib perkojanga illalilulugo. Gudiblo okaus-inginik illakarlune.

Nelliangovät Gudib okausingit tamakkoa?

Nalegavut Kristuse okarmet Matthæusib ag-langita nāningane: Aileritse sillaksoarmut illunānut, innukattigēksuillo tamaita ajochertorsigik, baptilugillo Atātab, Ernerublo, Annernerublo ajunginerub attingane.

Baptijut sumik kaitsivā sullivālo?

Sullivok issumagijaujuugnainermik ajortun-
nit, piuliklerporlo tokkomit Satanasemillo, kaitsi-
vorlo illunainut. tamattominga okpertunnut. pil-
loringnartovingmik nāniangitomik, sorlo Gudib
okausingit angersimaningillo okarmatta.

Nelliangovāt Gudib okausingit tamakkoa?

Nalegavut Kristuse Markusih aglangita nā-
ningane okarmet: Okpertok baptitaujorlo, piu-
lijaujomārpok, okpingitorlo erkartortaujomārpok.

Kannok immek taimaitomik angijoliksoarmik
sullijungnarka?

Immek pingitogalloak tammattominga. Gu-
dible okaunsingit immiub illagijangit pivut, ok-
pernerlo sungertutelik Gudib okausinginnik im-
miub illagijanginik. Gudib okausingit illagina-
git imek immetuinauvok baptijutaulungilarlo.
Gudible okausingit illagilugit baptijutauvok,
imaipok; immiovok innöselingmik saimanarto-
lingmik, ubvautiksaularmelo, nutāngonartomik
Annernerme ajunginerme, sorlo Ap. Pauluse
okārmet aglangmine Titusemut Kap. 3. me: Er-
niangupsarnerub ubvautānut. annernerublo ajun-
ginerub nutāngortitsininganut, tapsominga ko-
verivātigut angijomik Jesuse Kristusekut piuli-
jiptigut. Uvagut tapsoma saimarsautanut idlu-
arsijaulerkovluta kingormgujijuksaulutalo innöt-
semik naksaugitomik. Ahamarik tamanna mik-
sekārtiōvok.

Baptisinik tamanna immermut kannok tukkekarka?

Tukkeekarpok innutokäk illupthingnetok kaut tamät kakkialernermut ipititaujuksaungmät, tokkojuksaularmelo ajornerit ikligunerillo idlunit illunaita illaliudlugit, amälo kaut tamät annilune makkijuksaungmät innüktäk. innojjok sorairane idluarnerme ivsörnaiuermelo Gudib sängane.

Nänē aglaksimava tamanna?

Ap. Pauluse Romiunut Kap. 6 me okarpok: Illijartortaukattigimavavut baptijutikut tokkomut, sorlo Kristuse tokkungajunnit tuppaktitaungmät, Atätäb ussornarninganut, taimaktauk uvagut innosertäme arvertartuksauvogut.

Ajochertutsit

pijarialiksuit tellimangät.

Komunionemik heiligemik.

Kommunionen sunauva?

Tamædsa nellagortok Nalegapta Jesusib Kristusib timinga aungalo, tunnijaumajok kakkojakut Weinekullo uvaptingnut okpertunnut nerkiksaptingnut imiksaptingnullo. illijaumavorlo Kristusemut nangminek.

Nänē aglaksimava tamanna?

Evangelistit Matthæus. Markus. Lucas, Ap. Pauluselo imäk aglakput: Nalegapta Jesusib Kristusib unuarme taipsomane pititaugame, kakkojak

tiguva. kujaliivlunelo avgorpa. illiniartiminullo
tunniva okarlunelo: Tigulugo nerrissiuk. tagva
timiga tunnijauniartok pivluse, taimailioritse er-
kaumajauniksamnut. Taimaktauk ernigusarsuk
tigugiva nerrijarëranik. kujaliivlunelo tapkonun-
ga tamna tunniva okarlunelo: Illunase tagvangat
immeritse tagva auga. Testamentilab aunga.
kovijauniartok illipse pivluse. unnuktullo pivlu-
git. ajornerit issumagijaujungnairutiksanginnut.
Taimailioritse innuilerangapsiuk erkaumajaunik-
samnut

Nerrinek immernerlo tamattominga sumut
attornarka? .

Tamattominga okautsit tamakkoa kaujitipa-
tigut: Pivluse tunnijaumavok. kovijaularmelo
ajornerit issumagijaujungnairutiksanginnut. Imai-
pok, Sakramenteme okautsinnut taimailunnut tun-
nitsivioniarapta ajortunnit issumangnarungnaito-
mik. inõtsemiglo pilloringnartomiglo: issumang-
narungnaitokartonele ajortunnit. tagvane innõse-
karivok pilloringnartokalarmelo.

Kannok nerrinek immernerlo kannekut taimaitomik
pijariliksõjomik sullijungnarka?

Nerrinerlo immernerlo pingitogalloak, okaut-
sille illimajut: Pivluse tunnijaumavok kovijaular-
melo ajornerit issumagijaujungnairutiksanginnut.
Okautsit tamakkoa pijariakortonerpauvut nerri-
nerme immernerme kannekut Komunioneme.
Okautsinniglo tamakkoninga okpertok. tamna
pekarpok okautigijanginnik. tagva issumagijau-
jungnainermik ajortunnit.

Kina Sakramentemik ominga idluarsilune
pijungnarka?


Kallinekut, äkigiarlune illusitsiariktogalloak,
tamnale kissime pijuksauvok. okpertok okaut-
sinnut makkonunga: Pivluse tunnijaumavok ko-
vijaularmelo ajornerit issumagijaujungnairutik-
sanginnut. Okautsinigle makkoninga okpingitok
kollartorlonet. tamna nellopkotivok, pijuksauna-
nelo; okausek: „pivluse“, pijomangmat omät-
tinnik okpertunnik kissenik.

Tuksiarutsit uvlakut.

Atātaga killangmetolit, kujagivagit Jesuse Kristusekut ernetuet. Nalegaptigut, unuak tamanna sapputigamga piungitomillo nangiarnartomillo. Tuksiarvigivagit ajornikkalo sinaunganikkalo tamaita pējarlugillo issumagijungnaikit. Uvlome-tauk ajortomut idluitomullonēt illingakonnanga sapputilaungminga, pinniarnikkalo innoseralo sāngne idluarkovlugit. Illunarma, timigalo tarnigalo illingnut perkovakka, atātagalo anānagalo illakkalo tamaita. Engelingnullo ajungitunnut udsertortaulaunga uiveriklertomut ōktortaukonnanga. Amen.

Tuksiarutsit unugangat.

Atātaga killangmētolit kujagivagit Jesuse Kristusekut ernetuet Nalegaptigut, saimanermut uvlome sapputigamga. Tuksiarvigivagit ajornikkalo tamarnikkalo pējarlugillo issumagijungnaikit. Unuarlo tamanna najulaungminga, sapput-ilungalo ajortomut illingalerkonnanga. Timigalo tarnigalo illunarma illingnut tunnivunga. Engelingnut ajungitunnut udsertortaulaunga, uiveriklertomut ōktortaukonnanga. Amen.



#61555324

